



do 1 thing

Misheni ya Do 1 Thing ni kuwahimiza watu, familia, biashara na jamii kujiandaa kwa hatari zote na kuweza kukwepa msiba.

LENGO: Weza kufikia kwa usalama mahitaji yako msingi wakati wa kupotea kwa umeme.

Umeme

Kupotea kwa umeme ni hali ya dharura ambayo hutokea baada ya hali nyingine ya dharura—kama vile kibunga, tufani, au dhoruba ya msimu wa baridi. Hiyo huifanya muhimu zaidi kujiandaa mapema. Tunategemea umeme kwa joto, chakula na mahitaji ya kimatibabu. Vifaa vingi vya gesi hutumia pia umeme kuendeshwa.

Chagua moja kati ya mambo yafuatayo ya kufanya mwezi huu ili ujiandae vyema:

- Kuwa na tochi tayari katika eneo linaloweza kufikiwa rahisi na kagua betri katika tochi na redio.**

Wakati taa zinapozima, njia salama kabisa ya kutoa mwangaza wakati wa dharura ni na tochi au taa zinazowshwa na betri. Weka tochi zikiwa na betri mpya katika maeneo kadhaa nyumbani mwako na uzikague kama zinafanya kazi vyema mara kwa mara. Daima weka betri za ziada. Zingatia kununua tochi inayoweza kuchajiwa upya ambayo itabaki imechajiwa hadi iwe tayari kutumiwa.

- Pata na ujifunze jinsi ya kutumia vizuri jenereta inayoweza kubebwa.**

Kutumia jenereta iliyounganishwa vizuri yenye ukubwa unaofaa wakati umeme unapopotea kutapunguza au kuondoa athari ya kupotea kwa umeme maishani mwako. Kabla ununue jenereta, ongea na mtaalamu wa umeme kuhusu ukubwa na aina unayohitaji. Fikiria kuhusu unachotaka jenereta yako kuendesha. Jenereta zinaweza kutumiwa kuweka chakula baridi, kutoa mwangaza na umeme kwa simu na runinga, kuwezesha vipulizaji na pampu.



Daima endesha jenereta nje. Kamwe usitumie jenereta ndani ya nyumba, chini ya nyumba, au katika garaji. Kamwe usitumie nyaya kutoka kwa jenereta kuunganisha mzunguko katika nyumba yako.

Njia bora ya kutumia jenereta inayoweza kubebwa ni kuiunganisha kwa nyumba yako kwa kutumia swichi ya kuhamisha iliyosakinishwa na fundi mtaalamu wa umeme. Hii itaweka umeme dhidi ya kupakia zaidi nyaya nyumbani mwako. Itaweka pia umeme kutoka kwa jenereta yako dhidi ya kurudi kwenye nyaya za umeme, ambayo inaweza kuwajeruhi au kuwaua watu wanaoshughulikia nyaya za umeme, au bila kutarajiwa inaweza kuongeza nguvu nyaya za umeme zilizoanguka karibu na nyumba yako. Unaweza pia kuunganisha vifaa moja kwa moja kwenye sehemu towe za jenereta, lakini kuwa na uhakika kwamba virefusho vyovyote vina urefu sahihi na kipimaji cha kustahimili mahitaji ya umeme.

Unda mpango wa umeme kupotea - auma unachoweza kufanya, wakati na baada ya umeme kupotea ili kupunguza athari kwa kaya yako.

Kabla umeme kupotea:

- Jaza nafasi wazi katika friza na kontena za maji. Maji yaliyoganda yataondoa hewa na kuweka chakula baridi kwa muda mrefu. Kumbuka kuwacha nafasi katika kontena kwa ajili ya barafu kupanuka.
- Kuwa na angalau simu moja yenye waya nyumbani mwako. Simu nyingi zisizokuwa na waya hazitafanya kazi umeme ukipotea.
- Kama una mlango wa garaji unaofungua otomati, jifunze jinsi ya kufungua kwa mikono ili ufungue mlango wa garaji yako.
- Jaribu kuweka tangi ya mafuta ya gari lako angalau ikiwa imejaa nusu. Vituo vingi vya mafuta havitafanya kazi wakati umeme umepotea. Jaza tangi yako kama dhoruba kubwa imetabiriwa.
- Hakikisha una gari au waya ya simu yako ya mkononi.
- Kama una vifaa maalum vya afya kama vile vizalisha oksijeni au vya kusafisha damu, arifu kampuni yako ya umeme.

Baada ya umeme kupotea:

- Ondoa vifaa vyote vikuu vya elektroniki. Wakati umeme unaporejea, huenda kukawa na utofauti wa umeme ambao unaweza kuharibu vifaa vikubwa vya elektroniki.
- Usifungue jokovu au friza zaidi ya vile inavyohitajika. Jokovu isiyofunguliwa itaweka chakula baridi kwa takriban saa 4, friza isiyofunguliwa itaweka chakula kilichogandishwa takriba saa 24.
- Tumia redio zinazotumia betri ili ufahamishwe habari.

Usalama wa Umeme Kupotea

- Tupa chakula kama halijoto katika jokovu lako itazidi nyuzi ya 40 kwa zaidi ya saa 2.
- Kaa mbali na nyaya zilizoanguka na kitu chochote kinachogusana nazo kama vile ua au majengo.
- Usiendeshe kamwe juu ya nyaya za umeme zilizoanguka; huenda zina nguvu.
- Usitumie kamwe makaa au gesi ndani ya nyumba. Huenda ukalemewa na oksaidi ya kaboni.
- Kama ni lazima utumie mishumaa, hakikisha unaitumia vizuri. Usiache kamwe mishumaa inayowaka bila kushughulikiwa.